

Haf 2022: Canllawiau ar drefniadau wrth gefn ar gyfer TGAU, UG a Safon Uwch cymeradwy



Cynnwys

	Tudalen
1. Pwrpas	3
2. Cyflwyniad	3
3. Cydraddoldebau	3
4. Beth fydd graddau a bennir gan ganolfannau'n eu mesur yn haf 2022?	4
5. Pa dystiolaeth o asesu y dylid ei chasglu?	4
6. Cadw cofnodion	5
7. Prosesau sicrhau ansawdd	5
8. Ymgeiswyr preifat	6
9. Gwybodaeth a chanllawiau i ddysgwyr	6
10. Gwybodaeth a chefnogaeth i ganolfannau	7

Haf 2022: Arweiniad ar drefniadau asesu wrth gefn ar gyfer TGAU, UG a Safon Uwch cymeradwy¹

Tachwedd 2021 - fersiwn 1.0

Rhagair

Mae'r ddogfen hon yn rhoi trosolwg i ganolfannau o beth fydd y gofynion os bydd Llywodraeth Cymru yn gwneud penderfyniad i ganslo cyfres arholiadau haf 2022. Ni fwriedir i'r wybodaeth yn y ddogfen hon dynnu oddi ar y sefyllfa bolisi gyfredol i arholiadau fynd ymlaen yn haf 2022.

Dylai canolfannau baratoi ar gyfer y posibilrwydd o roi'r trefniadau wrth gefn ar waith trwy gynllunio pa asesiadau y byddant yn eu defnyddio i lywio graddau a bennir gan ganolfannau, pe bai eu hangen, fel y gall casglu tystiolaeth asesu ddechrau cyn gynted â phosibl ac fel sy'n briodol ar gyfer pob canolfan. Er mwyn i hyn gael ei reoli ochr yn ochr â pharatoi ar gyfer y gyfres arholiadau yn haf 2022, dylai canolfannau geisio integreiddio'r asesiadau hyn i gynlluniau addysgu a dysgu arferol a chynlluniau asesu presennol.

Dylid marcio asesiadau a rhoi adborth i ddysgwyr i helpu paratoi ar gyfer y gyfres arholiadau yn haf 2022 ac i ganiatáu eu defnyddio fel tystiolaeth ar gyfer gradd a bennir gan ganolfan, os bydd angen. Rhaid i ganolfannau hysbysu dysgwyr pa asesiadau a ddefnyddir i gasglu tystiolaeth fel rhan o'r trefniadau wrth gefn os caiff arholiadau eu canslo. Pe bai hynny'n digwydd, byddai'r asesiadau'n cael eu defnyddio i gefnogi dyfarniad cyfannol o radd cymhwyster a bennir gan ganolfan.

Y prif bwyntiau ar gyfer canolfannau:

1. Os bydd arholiadau'n cael eu canslo, gofynnir i ganolfannau bennu graddau cymhwyster ar gyfer eu dysgwyr.
2. Mae graddau a bennir gan ganolfannau'n raddau cymhwyster cyffredinol a gynhyrchir trwy ddyfarniad cyfannol sy'n cael ei danategu gan nifer o ddarnau o dystiolaeth o gyrhaeddiad a ddangosir.
3. Ni ddylech bennu graddau cymhwyster eto, a chyhoeddir mwy o ganllawiau os bydd arholiadau'n cael eu canslo.
4. Mae angen i chi ystyried pa dystiolaeth asesu a ddefnyddir i gefnogi penderfyniadau ynghylch graddau cymwysterau os caiff arholiadau eu canslo.
5. Mae angen i chi ddweud wrth ddysgwyr pa asesiadau a ddefnyddir i bennu graddau cymwysterau fel y gallant baratoi ac, os oes angen, mae angen i chi ddiweddarau unrhyw hysbysiadau prosesu data.
6. Mae angen i chi farcio'r holl asesiadau yn gyson fel y gellir defnyddio'r dystiolaeth os oes angen.
7. Gallwch roi adborth i ddysgwyr ar bob asesiad, fel y byddech chi fel arfer.
8. Rhaid peidio â chaniatáu i ddysgwyr ail-sefyll yr un asesiad er mwyn gwella eu gradd os caiff arholiadau eu canslo.

¹Bydd trefniadau amgen ar gyfer cymwysterau'r Dystysgrif Her Sgiliau yn cael eu cyfleu ar wahân.

1. Pwrpas

- 1.1. Mae'r arweiniad hwn yn nodi gwybodaeth lefel uchel ar gyfer canolfannau² sy'n ymwneud â'r **trefniadau asesu wrth gefn** ar gyfer haf 2022, a fydd yn berthnasol os bydd y gyfres arholiadau'n cael ei chanslo.
- 1.2. Rydym ni'n parhau i weithio gyda CBAC a rhanddeiliaid eraill ar agweddau ar y broses nad oes eu hangen ar hyn o bryd. Er mwyn caniatáu i ganolfannau ganolbwyntio ar y gyfres arholiadau a gynlluniwyd, dim ond os caiff arholiadau eu canslo y bydd y rhain yn cael eu cyfleu.
- 1.3. Os bydd y gyfres arholiadau yn cael ei chanslo, byddwn yn ailgyhoeddi'r arweiniad hwn gyda manylion ychwanegol. Er enghraifft, darperir mwy o wybodaeth am brosesau sicrhau ansawdd allanol.
- 1.4. Ni fwriedir i'r wybodaeth lefel uchel yn y canllaw hwn gefnogi dyfarnu graddau a bennir gan ganolfannau ar hyn o bryd. Dim ond os caiff arholiadau eu canslo y dylid gwneud penderfyniadau graddio a bennir gan ganolfannau a dim ond ar ôl i'r wybodaeth ategol briodol gael ei darparu fel y gall canolfannau wneud hyn mor effeithiol â phosibl.

2. Cyflwyniad

- 2.1. Ym mis Mawrth 2021, gwnaethom ni [gyhoeddi](#) y byddai arholiadau yn haf 2022, ac y byddai'r gofynion asesu ar gyfer cymwysterau TGAU, UG a Safon Uwch CBAC yn cael eu haddasu i leihau effaith tarfu ar amser addysgu a dysgu wyneb yn wyneb yn ystod y pandemig.
- 2.2. Y disgwyl yw y bydd cymwysterau'n cael eu hasesu gan arholiadau a/neu asesiadau di-arholiad gydag addasiadau; fodd bynnag, mae'n rhaid i ni gynllunio ar gyfer trefniadau wrth gefn pe bai newidiadau yn sefyllfa iechyd y cyhoedd yn arwain at ganslo'r gyfres arholiadau.
- 2.3. Os bydd arholiadau'n cael eu canslo, gofynnir i ganolfannau ddyfarnu graddau penodedig i ddysgwyr. Byddai'r dull gradd a bennir gan y ganolfan yn debyg i'r un a ddefnyddiwyd yn 2021, ond gyda rhai newidiadau i ystyried y gwersi a ddysgwyd. Felly, **nid** yw'r arweiniad hwn yn union yr un fath â'r canllawiau a luniwyd y llynedd.

3. Cydraddoldebau

- 3.1. Mae'n ofynnol i ganolfannau gydymffurfio â Dyletswydd Cydraddoldeb y Sector Cyhoeddus³ bob amser, gan gynnwys wrth gynhyrchu graddau a bennir gan ganolfannau. Mae hefyd dyletswyddau penodol i Gymru sy'n nodi'r camau y mae'n rhaid eu cymryd i ddangos sylw dyledus i'r ddyletswydd gyffredinol⁴. Mae hyn yn golygu bod angen i ganolfannau gyfathrebu â dysgwyr, a rhieni/gofalwyr mewn ffordd glir, dryloyw a hygyrch, ac ystyried anghenion y rhai sy'n rhannu nodweddion gwarchoddedig.
- 3.2. Cynhyrchodd y Comisiwn Cydraddoldeb a Hawliau Dynol ganllawiau ar gydymffurfio â

² Canolfan(nau) yw'r term a ddefnyddir trwy gydol y ddogfen i gyfeirio at ysgolion, colegau a chanolfannau arholi eraill.

³ <http://www.legislation.gov.uk/wsi/2011/1064/contents/made>

⁴ <https://www.legislation.gov.uk/ukpga/2010/15/section/149>

Dyletswydd Cydraddoldeb y Sector Cyhoeddus ar gyfer haf 2021 a oedd ar gael ar [Hwb](#)⁵. Hefyd, darparodd CBAC a Diverse Cymru hyfforddiant ar osgoi rhagfarn anymwybodol. Mae'r arweiniad a'r hyfforddiant hwn yn berthnasol ar gyfer haf 2022 os gweithredir y trefniadau asesu wrth gefn.

- 3.3. Dylai canolfannau weithredu prosesau i gyflawni eu dyletswyddau i hyrwyddo cydraddoldeb ac osgoi gwahaniaethu. Mae canllawiau ar gael yn 'Beth mae cyfraith cydraddoldeb yn ei olygu i chi fel darparwr addysg yng Nghymru: Ysgolion'⁶.
- 3.4. Os caiff arholiadau eu canslo, efallai y bydd angen rhywfaint o hyblygrwydd wrth ddefnyddio tystiolaeth o gyrhaeddiad mewn rhai amgylchiadau, er mwyn osgoi gwahaniaethu anuniongyrchol e.e. os yw dysgwr yn methu â dysgu cynnwys sy'n cael ei asesu, yna efallai y bydd angen asesiad amgen.
- 3.5. Os bydd arholiadau'n cael eu canslo, bydd yn ofynnol i ganolfannau CBAC weithredu prosesau sicrhau ansawdd mewnol i hyrwyddo cysondeb y dull gradd a bennir gan y ganolfan ar draws y ganolfan (o fewn pynciau ac ar draws pynciau).

4. Beth fydd graddau a bennir gan ganolfannau'n eu mesur yn haf 2022?

- 4.1. Os caiff arholiadau eu canslo, dyfernir graddau a bennir gan ganolfannau haf 2022 ar sail cyrhaeddiad a ddangosir mewn meysydd o gynnwys y cymhwyster y mae dysgwr wedi'u cynnwys. **Nid** yw graddau a bennir gan ganolfannau yr un peth â'r graddau targed neu'r graddau a ragwelir gan na fyddant yn cael eu dyfarnu ar sail cyrhaeddiad posibl.
- 4.2. Rhaid i'r dystiolaeth asesu a gesglir gwmpasu'r holl amcanion asesu a chynrychioli cwmpas digonol o ofynion **cynnwys manyleb wedi'i haddasu**.

5. Pa dystiolaeth o asesu y dylid ei chasglu?

- 5.1. Bydd CBAC yn darparu Fframweithiau Asesu Cymwysterau sy'n nodi'r gofynion lefel uchel ar gyfer tystiolaeth asesu ym mhob cymhwyster. Bydd CBAC hefyd yn darparu Canllawiau Creu Asesiadau.
- 5.2. Rhaid i ganolfannau hysbysu dysgwyr am y dystiolaeth y gellid ei defnyddio wrth bennu graddau cymhwyster cyffredinol dysgwyr pe bai arholiadau'n cael eu canslo, cyn i'r asesiadau gael eu cynnal. Am y rheswm hwn, cynghorir canolfannau i ddogfennu eu cynlluniau asesu ar gyfer pob pwnc. Nid oes angen cynlluniau asesu pwnc gan CBAC oni bai bod y dull wrth gefn yn cael ei sbarduno, ond bydd datblygu cynlluniau yn cefnogi tryloywder a chyfathrebu â dysgwyr. Gall cynlluniau asesu ar gyfer pob pwnc fod yn lefel uchel, yn gryno ac yn cyd-fynd â'r cynlluniau asesu lefel pwnc presennol.
- 5.3. Efallai y bydd canolfannau'n ei chael hi'n ddefnyddiol cyfathrebu eu dull asesu wrth gefn â'u dysgwyr a'u rhieni/gofalwyr cyn gynted â phosibl, er mwyn darparu tryloywder a hyder yn y dull hwn.
- 5.4. Ni ddylai canolfannau roi manylion penodol i gwestiynau asesu neu gyn-bapurau a ddefnyddir i ddysgwyr. Mae'n bwysig bod yr asesiadau a ddefnyddir i gefnogi dyfarniadau yn darparu cynrychiolaeth wir a dilys o lefel cyrhaeddiad y dysgwr. Bydd hyn yn cael ei wrydroi os oes gan y dysgwr wybodaeth flaenorol o'r cwestiynau a

⁵ [Hwb](https://hwb.llyw.cymru) yw'r platform digidol ar gyfer dysgu ac addysgu yng Nghymru <https://hwb.llyw.cymru>

⁶ <https://www.equalityhumanrights.com/en/publication-download/what-equality-law-means-you-education-provider-wales>

ofynnir.

- 5.5. Rhaid i dystiolaeth asesu ddod o waith a gwblhawyd gan y dysgwyr, ar gynnwys manyleb wedi'i haddasu, yn ystod y cwrs astudio ar gyfer y cymhwyster. Rhaid i'r dystiolaeth gynnwys gwaith ysgrifenedig ac ymarferol fel sy'n briodol i'r fanyleb cymhwyster penodol.
- 5.6. Rhaid i ganolfannau ystyried addasiadau rhesymol y mae gan ddysgwyr hawl i'w cael a'u defnyddio ar gyfer pob asesiad.
- 5.7. Ni ragnodir nifer y darnau na'r math o dystiolaeth sy'n ofynnol, gan y bydd hyn yn amrywio yn ôl cymhwyster a sut y trefnir themâu a sgiliau allweddol mewn asesiadau. Fodd bynnag, bydd CBAC yn darparu enghreifft o ddulliau asesu posibl ym mhob pwnc, fel rhan o'r Fframweithiau Asesu Cymwysterau ar gyfer pob cymhwyster.
- 5.8. Ni ddylai cynnal asesiadau ar gyfer y trefniadau asesu wrth gefn posibl dynnu oddi wrth baratoi ar gyfer cyfres arholiadau haf 2022. Felly, bydd ychydig o ddarnau o dystiolaeth ddilys o ansawdd uchel yn ddigonol i ddangos cyrhaeddiad. Fel arweiniad, ni ddylai'r amser a dreulir ar asesiadau i lywio gradd a bennir gan ganolfan ar gyfer pob pwnc fod yn fwy na chyfanswm yr amser asesu y byddai dysgwyr yn ei gwblhau mewn cyfres arholiadau safonol ar gyfer y pwnc hwnnw.
- 5.9. Bydd angen i ganolfannau gadw tystiolaeth asesu ar gyfer dysgwyr a allai fod yn ofynnol fel rhan o'r broses sicrhau ansawdd os bydd y trefniadau wrth gefn yn cael eu defnyddio.
- 5.10. Dim ond os bydd y trefniadau wrth gefn yn cael defnyddio y bydd CBAC yn darparu arweiniad ar lunio dyfarniadau gradd cymhwyster cyffredinol, disgrifyddion gradd ac arweiniad ar sicrhau ansawdd.

6. Cadw cofnodion

- 6.1. Bydd angen cofnodion i ddogfennu penderfyniadau graddio, pe bai hyn yn angenrheidiol, ond nid oes eu hangen oni bai bod arholiadau'n cael eu canslo. Dylai canolfannau ystyried y wybodaeth y bydd angen iddynt ei chofnodi a sicrhau ei bod yn cael ei chadw'n briodol. Er enghraifft, cofnodi bod trefniadau mynediad dysgwr wedi'u rhoi ar waith pan gynhaliwyd asesiadau.
- 6.2. Dylai canolfannau gadw gwybodaeth sy'n ymwneud ag unrhyw ystyriaethau arbennig y gallai fod gan rai dysgwyr hawl iddynt pe bai digwyddiad, fel profedigaeth yn y teulu neu salwch, yn effeithio arnynt ar adeg asesiad..
- 6.3. Bydd angen i ganolfannau sicrhau eu bod yn cydymffurfio â'u rhwymedigaethau fel rheolwr data yn unol â deddfwriaeth diogelu data a dylent adolygu asesiadau effaith diogelu data a hysbysiadau preifatrwydd o 2021 cyn i unrhyw brosesu data ar gyfer trefniadau wrth gefn 2022 ddechrau.

7. Prosesau sicrhau ansawdd

- 7.1. Os bydd arholiadau'n cael eu canslo, bydd yn ofynnol i ganolfannau weithredu prosesau sicrhau ansawdd mewnol i hyrwyddo cysondeb y dull gradd a bennir gan ganolfannau ar draws y ganolfan (o fewn pynciau ac ar draws pynciau). Ni fydd unrhyw ofnion sicrhau ansawdd mewnol ychwanegol i'r rhai sy'n ofynnol yn haf 2021, er y gall canolfannau ddewis adolygu a diweddarau eu prosesau mewnol, yn ôl yr angen. Ni fydd yn ofynnol i ganolfannau gyflwyno Polisi Asesu Canolfannau ar gyfer haf 2022.

- 7.2. Os bydd arholiadau'n cael eu canslo, bydd CBAC yn gweithredu rhaglen o brosesau sicrhau ansawdd canolfannau allanol. Bydd hyn yn cynnwys samplu gwaith dysgwyr a'r penderfyniadau graddio cyfatebol a wneir gan ganolfan. Felly, rhaid i ganolfannau gadw'r holl dystiolaeth asesu berthnasol a ddefnyddir.
- 7.3. Dim ond os bydd y trefniadau wrth gefn yn cael eu defnyddio y bydd CBAC yn darparu arweiniad ar brosesau sicrhau ansawdd.

8. Ymgeiswyr preifat

- 8.1. Mae opsiynau i sicrhau mynediad at raddau cymwysterau i ddysgwyr nad ydynt ar gofrestr canolfan ac a fyddai fel arfer yn ymuno â'r cymwysterau hyn fel ymgeiswyr preifat yn cael eu trafod. Byddwn yn rhannu'r wybodaeth hon cyn gynted â phosibl ac erbyn diwedd Tymor yr Hydref 2021.
- 8.2. Byddwn yn cynhyrchu dogfen ar gyfer ymgeiswyr preifat sy'n manylu ar y dull gweithredu. Byddwn yn gweithio gyda Llywodraeth Cymru, awdurdodau lleol a grwpiau rhanddeiliaid perthnasol eraill i sicrhau bod cyfathrebu mor eang â phosibl fel bod dysgwyr sy'n ymgeisio am gymwysterau fel ymgeiswyr preifat yn gwybod beth fydd y broses os bydd arholiadau'n cael eu canslo.

9. Gwybodaeth a chefnogaeth i ddysgwyr

- 9.1. I'r mwyafrif o ddysgwyr, haf 2022 fydd y tro cyntaf iddynt gael eu hasesu trwy arholiadau allanol. Rydym ni'n sylweddoli y gallai hyn beri straen i lawer o ddysgwyr. Rydym yn gweithio gyda Llywodraeth Cymru a phartneriaid eraill i roi pecyn o fesurau ar waith i gefnogi lles a dilyniant dysgwyr. Bydd Llywodraeth Cymru yn darparu rhagor o wybodaeth yn ystod yr hydref am y gefnogaeth ychwanegol hon.
- 9.2. Mae angen hysbysu dysgwyr am asesiadau y gellid eu defnyddio fel tystiolaeth yn nyfarniad cyffredinol eu gradd a bennir yn y ganolfan, os caiff arholiadau eu canslo. Mae hyn er mwyn dilyn rheolau diogelu data.
- 9.3. Dylai canolfannau rannu negeseuon calonogol, cyson a chlr i ddysgwyr am y trefniadau hyn, megis:
 - oni bai bod arholiadau'n cael eu canslo, rydych chi'n paratoi ar gyfer asesiad trwy arholiadau, yn unol â'r gofynion asesu cymwysterau wedi'u haddasu, ac
 - mae'r trefniadau wrth gefn hyn wedi'u cynllunio, rhag ofn y bydd sefyllfa iechyd y cyhoedd yn arwain at ganslo arholiadau. Cynllun wrth gefn ydyw.Bydd Cymwysterau Cymru yn cynhyrchu adnoddau i chi eu rhannu â dysgwyr i gefnogi rhannu'r negeseuon hyn. Bydd CBAC hefyd yn parhau i weithio ar adnoddau penodol i ddysgwyr.
- 9.4. Gellid defnyddio asesiadau a gynhaliwyd dros yr ychydig dymhorau nesaf fel tystiolaeth o gyrhaeddiad, yn hytrach na dibynnu mwy ar asesiadau a gynhelir yn ystod wythnosau olaf y cwrs, os bydd arholiadau'n cael eu canslo. Mae hyn yn helpu i ledaenu'r asesiadau ar gyfer dysgwyr ac ar gyfer staff y ganolfan a fydd yn marcio asesiadau. Mae hefyd yn lleihau'r risg sy'n gysylltiedig â gadael y mwyafrif o asesu tan ddiwedd y cwrs a'r sefyllfa iechyd cyhoeddus ar yr adeg honno gan wneud hyn yn anodd. Efallai y bydd rhai dysgwyr yn teimlo'n bryderus am yr asesiadau parhaus hyn ac yn teimlo mwy o bwysau o ganlyniad. Dylai canolfannau ddarparu cefnogaeth fugeiliol a lles addas yn ystod y cyfnod anodd hwn. Er enghraifft, gallai canolfannau gynllunio ar gyfer diweddariadau rheolaidd i ddysgwyr mewn carfannau sy'n sefyll arholiadau yn yr haf.

- 9.5. I baratoi ar gyfer arholiadau, bydd canolfannau'n rhoi adborth i ddysgwyr pan fyddant yn cwblhau asesiadau, fel rhan o'r rhaglenni addysgu a dysgu arferol. Gellir rhannu marciau ac arwyddion perfformiad yn y tasgau hyn â dysgwyr, i'w cymell a'u harwain. Mae'n bwysig nad yw'r adborth hwn yn gysylltiedig â graddau a bennir gan ganolfannau ar y pwynt hwn. Os bydd arholiadau'n cael eu canslo a bod angen cynhyrchu graddau a bennir gan ganolfannau, yna bydd CBAC yn darparu arweiniad pellach ar ddefnyddio tystiolaeth i gefnogi dyfarniad cyfannol, cyffredinol o gyrhaeddiad a gefnogir gan yr asesiadau hyn.
- 9.6. Bydd gwybodaeth i ddysgwyr, rhieni a gofalgwyr ar ein gwefan am y cynlluniau wrth gefn. Byddwn yn gweithio gyda Llywodraeth Cymru, CBAC ac ysgolion a cholegau i ddarparu gwybodaeth berthnasol.
- 9.7. Mae gwefan y Comisiynydd Plant Cymru [Coronafeirws - Hwb Gwybodaeth i blant a theuluoedd - \(complancymru.org.uk\)](https://www.complancymru.org.uk) yn cynnwys gwybodaeth am wasanaethau cymorth i bobl ifanc, gan gynnwys iechyd meddwl a chymorth emosiynol.

10. Gwybodaeth ac arweiniad i ganolfannau

- 10.1. Bydd CBAC yn darparu'r canllawiau canlynol ochr yn ochr â'r wybodaeth hon:
 - Fframweithiau Asesu Cymwysterau gan gynnwys canllawiau asesu
 - Canllawiau Creu Asesiadau
- 10.2. Gwybodaeth a chanllawiau eraill o haf 2021 sy'n berthnasol i haf 2022 ar hyn o bryd:
 - Canllawiau'r Comisiwn Cydraddoldeb a Hawliau Dynol ar gydymffurfio â Dyletswydd Cydraddoldeb y Sector Cyhoeddus
 - Canllawiau CBAC ar osgoi rhagfarn anymwybodol
 - Diogelu data a phrosesu data
- 10.3. Os bydd arholiadau'n cael eu canslo, darperir rhagor o wybodaeth ac arweiniad. Bydd hyn yn cynnwys arweiniad ar raddio cymwysterau cyffredinol a'r broses apelio.
- 10.4. Yn 2021, awgrymodd Swyddfa'r Comisiynydd Gwybodaeth ddolenni i ganllawiau a allai fod yn arbennig o berthnasol. Roedd y rhain fel a ganlyn:
 - Y prif arweiniad ar Reoliad Diogelu Data Cyffredinol y DU: <https://ico.org.uk/for-organisations/guide-to-data-protection/guide-to-the-general-data-protection-regulation-gdpr/>
 - fewn y prif arweiniad hwn, mae'r adrannau canlynol yn debygol o fod yn arbennig o berthnasol:
 - Canllawiau ar Asesiadau Effaith Diogelu Data (DPIAs), gan gynnwys templed DPIA a rhestrau gwirio i helpu rheolwyr data i benderfynu a oes angen DPIA
 - Canllawiau ar yr hawl i gael eich hysbysu, a fydd yn helpu'r holl reolwyr data sy'n rhan o'r broses asesu i ddatblygu a darparu gwybodaeth breifatrwydd o ansawdd da i ymgeiswyr
 - Canllawiau ar brosesu data personol categori arbennig, sy'n cynnwys templed dogfen bolisi ar gyfer y prosesu hwnnw.